

Broj: UP/I-05-13-1-622/24

Mostar, 07.02.2025. godine

Federalno ministarstvo energije, rudarstva i industrije, na osnovu člana 200. Zakona o upravnom postupku ("Službene novine Federacije BiH", br. 2/98, 48/99 i 61/22), člana 42. stav (4) Zakona o električnoj energiji Federacije Bosne i Hercegovine („Službene novine Federacije BiH“, broj 60/23) i člana 23. stav (4) Pravilnika o izdavanju energetske dozvole (Službene novine Federacije BiH“, broj 51/24) postupajući po zahtjevu privrednog društva „Trgovir“ d.o.o. Gračanica, sa sjedištem Stjepan Polje bb, Gračanica u predmetu izdavanja Energetske dozvole za izgradnju energetskog objekta „Trgovir“ od 16.12.2024. godine i dopune zahtjeva od 13.01.2025. godine, donosi:

R J E Š E N J E

1. Izdaje se ENERGETSKA DOZVOLA privrednom društvu „Trgovir“ d.o.o. Gračanica, za izgradnju solarne fotonaponske elektrane „Trgovir“, instalisane snage 2 MW, odobrene snage priključenja 2 MW, planirane godišnje proizvodnje električne energije od 3.131,55 MWh, a koja se planira graditi na području Grada Gračanica.
2. Energetska dozvola iz tačke 1. dispozitiva ovog rješenja izdaje se na period važenja od pet godina. Važenje energetske dozvole može se produžiti za period koji ne može biti duži od perioda važenja ove dozvole, nakon čega se više ne može produžavati.
3. Planirano vrijeme izgradnje elektrane iz tačke 1. dispozitiva ovog rješenja je 2025. godina.
4. Imalac dozvole dužan je da sarađuje i postupa po zahtjevima Ministarstva za dostavljanje podataka, te da obavijesti Ministarstvo o svim nastalim promjenama u vezi sa ispunjenjem kriterija za izdavanje energetske dozvole.
5. Imalac dozvole dužan je nakon završetka izgradnje elektrane o tome obavijestiti Ministarstvo i dostaviti odobrenje za upotrebu.
6. Ovo rješenje stupa na snagu danom donošenja i objavljuje se na web stranici Ministarstva.

O b r a z l o ž e n j e

Privredno društvo „Trgovir“ d.o.o. Gračanica, se zahtjevom od 16.12.2024. godine i dopunom zahtjeva od 13.01.2025. godine, podnesenim u propisanoj formi i obrascu, obratilo Federalnom ministarstvu energije, industrije i rudarstva (u daljnjem tekstu: Ministarstvo) za izdavanje Energetske dozvole za izgradnju solarne fotonaponske elektrane „Trgovir“, instalisane snage 2 MW, odobrene snage priključenja 2 MW, planirane godišnje proizvodnje električne energije od 3.131,55 MWh, a koja se planira graditi na području Grada Gračanica, u skladu sa članom 42. stav (4) Zakona o električnoj energiji Federacije Bosne i Hercegovine („Službene novine Federacije BiH“, broj 60/23) i člana 23. stav (4) Pravilnika o izdavanju energetske dozvole (Službene novine Federacije BiH“, broj 51/24 - u daljem tekstu Pravilnik).

Uz predmetni zahtjev dostavljena je sljedeća dokumentacija:

- Urbanistička saglasnost, broj: 06-19-02874-2023 od 04.09.2024. godine, izdata od Službe za prostorno uređenje, geodetske i imovinsko-pravne poslove, Grada Gračanica,
- Prethodna elektroenergetska saglasnost br: 426693/2022 od 19.06.2023. godine izdata od JP Elektroprivreda Bosne i Hercegovine d.d. Sarajevo, Podružnica „Elektro distribucija“ Tuzla,

Uvidom u podneseni zahtjev Ministarstvo je utvrdilo da je zahtjev nepotpun i o tome obavjestilo ponosioca zahtjeva.

Privredno društvo „Trgovir“ d.o.o. Gračanica je dana 13.01.2025. godine dostavilo je sljedeću dokumentaciju: Obavještenje Ministarstva prostornog uređenja i zaštite okolice Tuzlanskog kantona, broj: 12/1-19-041539/25 od 06.01.2025. godine, za izdavanje okolinske dozvole i Mišljenje Ministarstva privrede Tuzlanskog kantona, broj: 03/1-14-36779-1/24 od 06.01.2025. godine, a vezano za izdavanje Ugovora o koncesiji, isti je potpunio svoj zahtjev. Shodno članu 17. Pravilnika Ministarstvo je utvrdilo da je zahtjev potpun, te pristupilo ocjeni kriterija za izdavanje energetske dozvole propisanih članom 4. Pravilnika koji se odnose na:

- vrstu i korištenje primarnih izvora energije;
- sigurnost elektroenergetskog sistema, postrojenje i prateće opreme;
- mogućnost priključene na elektroenergetski sistem;
- lokaciju i upotrebu zemljišta;
- zaštitu okoliša i osiguranje trajne kontroje uticaja na okoliš;
- energijsku efikasnost;
- kvalifikovanost podnosioca zahtjeva;
- doprinos ispunjenju ciljeva u korištenju obnovljivih izvora energije;
- doprinos smanjenju emisija stakleničih i štetnih gasova i čestica.

Na osnovu priložene dokumentacije dostavljene uz zahtjev i dopuni zahtjeva, Ministarstvo je utvrdilo da su ispunjeni kriteriji za izdavanje energetske dozvole, te u skladu sa čl. 19. i 20. Pravilnika, Ministarstvo je utvrdilo nacrt energetske dozvole, broj: 05-13-1-26/25 od 13.01.2025. godine, obavjestilo podnosioca zahtjeva pisanim putem o utvrđenom nacrtu energetske dozvole za izgradnju solarne fotonaponske elektrane „Trgovir“ privrednog društva „Trgovir“ d.o.o. Gračanica, te objavilo Obavještenje za javnost na svojoj internet stranici.

U roku za dostavljanje komentara, naznačenom u Obavještenju za javnost, Ministarstvo nije zaprimilo komentare na utvrđeni nacrt energetske dozvole, kao ni zahtjev za sticanje statusa umješača od strane zainteresovanih lica. U skladu sa članom 22. Pravilnika, Ministarstvo je odlučilo da nije potrebno održati javnu raspravu u postupku izdavanja energetske dozvole za izgradnju solarne fotonaponske elektrane „Trgovir“, instalisane snage 2 MW, odobrene snage priključenja 2 MW, planirane godišnje proizvodnje električne energije od 3.131,55 MWh, a koja se planira graditi na području Grada Gračanice.

Na osnovu navedenog, a u skladu sa članom 23. stav (4) Pravilnika, odlučeno je kao u dispozitivu ovog rješenja.

Podnosilac zahtjeva uplatio je federalnu upravnu taksu propisanu Zakonom o federalnim upravnim taksama i Tarifama federalnih upravnih taksi („Službene novine Federacije BiH“, br. 6/98, 8/00, 45/10, 43/13 i 98/17), na podnijeti zahtjev po tarifnom broju 24.a u iznosu od 10,00 KM.

Pouka o pravnom lijeku

Ovo rješenje je konačno u upravnom postupku i protiv njega nije dozvoljena žalba, ali nezadovoljna stranka može pokrenuti upravni spor podnošenjem tužbe. Tužba se podnosi Kantonalnom sudu u Mostaru u roku od 30 dana od dana prijema ovog rješenja. Uz tužbu se prilaže i ovo rješenje u prepisu ili kopiji.

MINISTAR

Vedran Lakić